



Auckland Transport - Tētahi Hoa Āpiti mō te Pahi

E turaki ana a Auckland Transport i tētahi tauārai kua mōhiotia e ngā kirihoko whai ara māmā ake e pīrangi nei ki te haere mā te waka tūmatanui i Tāmaki Makaurau Mā 'Tētahi Hoa Āpiti mō te Pahi' e āhei ai te haere a tētahi tangata kotahi hei kaitautoko i te kaupupuri i te kāri o Panuku Mārika mā tētahi o ngā Pahi o Auckland Transport, ina haere ngātahi rāua, ka mutu, kāore he utu.

E whakaaetia ana he tangata kē i ia haerenga i te taha o Tētahi Hoa Āpiti mō te Pahi. Kei te kaupupuri i te kāri o Panuku Mārika te tikanga o tāna kōwhiri i tōna hoa – te hoauki, te hoapiri rānei, te whanaunga rānei, te hoa rānei, te tamaiti rānei, te kaikūmanu tūngaio rānei. E whakaaetia ana he tangata kē i ia haerenga.

Hei tā te Tumu Whakarae Rangitahi o Auckland Transport, hei tā Mark Lambert, mā te whakaurunga o 'Tētahi Hoa Āpiti mō te Pahi', e noho nei hei kaupapa mā ngā kaupupuri i te kāri o Panuku Mārika, e āwhina te hia mano tāngata o Tāmaki Makaurau kia māia ki te piki ki runga i ngā ratonga pahi a AT kei tua atu o te 10,000 e rere ana i ia rā.

I āta mahi tahi a Auckland Transport me ngā rōpū taunaki i te whakamāmātanga o ngā ara mā Public Transport Accessibility Group (PTAG) i te wā e whakaritea ana te Āheinga ā-Tētahi Hoa Āpiti mō te Pahi, me te whakaritenga o tōna whakarewatanga.

E ai ki te mema o PTAG, ki a Vivian Naylor (he wahine), mā te kaupapa nei e whaitake ai te whakapainga ake ki ngā tāngata kāore rā i māia ki te haere mā runga pahi ā mohoa. "Mā Tētahi Hoa Āpiti e nui rawa atu ai ngā hua ki ērā, nā ngā momo take maha tonu i kore ai e haere mā te pahi, otiia, nā te korenga pea i māia ki te whai i tētahi āhuetanga kāore nei e mōhiotia ana e rātou. Mā te haere mā te pahi e nui rawa atu ai pea te whai hua ki te whakawāteatanga o ētahi huarahi hou e hōparatia ai a Tāmaki Makaurau," hei tāna.

Ka pēhea rā?

- Me whai tā AT Kāri o Panuku Mārika e whai āheinga ai
- Ka whakaoho ana te kaupupuri i tā AT Kāri o Panuku Mārika i tōna pikinga ki tētahi pahi o AT, ka whakamōhio ia i te kaihautū pahi ki te tangata e haere nei i tōna taha hei 'Hoa Āpiti' mōna.
- Mā te kaihautū pahi e hoatu tētahi tīkiti pepa ki te 'Hoa Āpiti', ka mutu, kāore he utu.
- Me whakaatu taua tīkiti pepa ina tonoa kia pērā.

He pēhea te māmā o te ara i ngā pahi o AT?

- Kua whakaritea kia māmā te ara i ngā pahi katoa o AT e paparua ana, e hou ake ana rānei. Ka whakahekea iho rānei aua pahi, ka puta rānei i ērā tētahi papa rōnaki, ka mutu, e pāhō haere ana ngā pānui ā-oro mō ngā tūnga ka whai ake puta noa i ngā pahi.
- Kei reira tonu ōna pahi o mua e rere ana, ka mutu, kāore e pērā rawa ana te whānui o ngā āhuetanga o runga e kore nei e whai wāhi ngā tūruhiko rahi ake.
- Ki te hiahia koe ki te rangahau i te māmā o te ara i te pahi ka tere i te ara ka kōwhiria e koe, tēnā, waea mai ki AT, ki te 09 366 6400



He aha rā tā AT Kāri o Panuku Mārika?

- Kei raro nei tētahi whakaahua hei tauira mō te āhua o te kāri. Me tono ngā tāngata kei a rātou te 'kāri kākāriki o mua' i tēnei o ēnei kāri hou ake e riro ai i a rātou te Āheinga ā-Tētahi Hoa Āpiti mō te Pahi.



- Ko te Kāri o Panuku Mārika tētahi kaupapa ā-motu e tautoko ana i ngā tāngata e uaua nei ki a rātou te pānuku.
- Ka kitea he kōrero atu anō, ka taea hoki te tono mā te toro ki tēnei hononga: [Total Mobility scheme \(at.govt.nz\)](http://at.govt.nz)

E āhei ana tā te tangata tuku pātai ki AT mā te waea atu ki te 09 366 6400,

mā te toro rānei ki

[New Zealand Relay Services \(nzrelay.co.nz\)](http://nzrelay.co.nz)